



MARA EVANGELICAL CHURCH

VACHHUH

MONTHLY NEWSLETTER



Volume 29

Monthly Newsletters

March 1/2022

Editorial

Potlana nata r h riarina hry ta Khazohpa ta a awnanopa MEC cha hnabei pady beih leipa ta kh  a ch hkhei ta pabohsa ta, a ku thatl pa ta chhitha ta Assembly Executive Committee (AEC) taih maniah a tl khei hawpa ta Khazohpa moh cha chh zaw ta reithaipa ta y mawh sy! Atak  2022 AEC liata Khazohpa bie a vaw tl pa cha “Chyhsa thlah a pal hpa awnano” (Is. 40:1) a ch . Cha bietl h tawhta Khazohpa ta biechhotuhpazy hnohta awnanopa thla pal hna bie a reipazy cha aryl   hawhta ama vaw reih h l .

Rev. Biehl  ta Khazohpa ta a chyhsazy thla pal hna a taona d h cha ama hnohta pahr na (presence) he a ch  a tah. Khazohpa ta khizaw thlah pal h nawpa ta a sawchapawpa he khizaw l  cheingei ta a vaw tuapa he a chyhsazy hnohta pahr  awpa he a ch . Chav ta chyhsazy thlah pal h thei nawpa ta pastorzy, mach zy nata awnanopa chakaotuhpazy ta awnanopa hnohta ama yp  cheingei awpa a byuh.

Rev. Pahmo ta a reipa cha Zuzy ta Babelaw seich na l ta siekheipa ama ch pa he Khazopa a heisaipa ta ama moleipa v ta a ch . Molei ropa ta Khazohpa hnohta ama vaw kua heihpa v ta r h ama vaw padua heihpa a ch . Chav ta Khazohpa khopa hawhta ama hro lym  khiah cha hro thlal hna ama hnei thlah h  awpa a ch  a tah. R h rietheipa duahmo liata eima y nota chhao Khazohpa a heisai leipa ta ABeipa liata ng na a pahniehtuhpazy ch ta thlal hna a y lym  aw.

Rev. Phuhe ta a reipa cha “Khazohpa cha eima Khazohpa a ch pa v ta keimo cha Khazohpa eih eima ch ; chav ta ano ta maniah mao a phaoh aw” a tah. Khazohpa cha a sawzy bao awpa tlyma, pachha awpa tlyma, pabohsa awpa tlyma ngiahla leipa ta  m  thlah pa a ch . Moleipa chyhsa zy pita sawzy bao khoh kaw pita bao khai thei mapi; pachha khoh pita pachha khai thei mapi; pabohsa khoh pita pabohsa khai thei mapi. Khazohpa deikua a ku thatl pa ku chach h l ta ei chachhi aw ei a tah. Chav ta keimo cha Khazohpa ku chach h ta patupa ta maophao kheipa eima ch pa v ta thlal h kawpa ta y suh vy!

Rev. Victor Ve u ta a reipa cha : Chyhsa thlah pal h thei nawpa ta chhaichhi eima hnei awpa a byuh a tah. Zami ta a reipa hawhta poh pie tl h leipa ta

lal h ngaitapa ta sie tyh tahpa tlyma, niepa pie tl h leipa ta rih bie ngaitapa ta y teh tahpa tlyma, cha hrao leipa a ch  a tahpa hawhta thlapal h thei nawpa ta thlapal hna chhaichhi hnei awpa a peimawh. Atanoh khih nah r h raona daihti liata thlapal hna chhaichhi dopa eima hm  thai kaw awpa a byuh ta, hnabeiseihna a hnei leipa thlapal hnazy he eima pie pathlei lei awpa a pha a tah. Chazy hry liata, hawtinahzy achuna ryhraokheina he thlapal hna s kha ta ei pach  a tah.

Rev. Dr. Si Khaw ta a reipa cha, “Zisu he eima thlal hna a ch ” a tah. Nie awpa ama hnei khao lei nota Zisu hnohta vaichha tl  pangawh nata nga sano ama vaw tl kheipa ta chyhsa s h pangawh rih a vaw pabie. Tl h leipa ta ama y nota Zisu hnohta vaw tl khei eita patl hpa ama ch . Thlih pipa tawhta ama boh thei nawpa Zisu l ta tl kheipa ch  ta Zisu ta a pachha pyly ei. Hnabeidy kawpa ta k  hrawhleicharie thi lohpa chan  chhao Zisu pohpai hria ta a tl h haw. Chav ta khizaw rietheina nata rairu chihuhna duahmo liata y hra sila, khapa ma eima nie b  aw tahpa duahmo liata y hra sila, potlana chichhinhna liata eima ypa chhao Zisu Krista liata hnabeiseihpa ta y sila, thlal hpa ta y suh vy!

Chav ta atak  AEC ta “Chyhsa thlah a palohpa awnano” tahpa bie hm pa ta eima pastorzy siepahliepa ta thlal hna bie a reipazy cha: Khazohpa ta Zisu Krista piepa ta maniah a yp pa hawhta eima vaih hnohta pahr pa ta thlapal h awpa a ch . R h n pona daihti liata peimawh chaipa cha Khazohpa khohta hmiapasah awpa he a ch . Khazohpa liata ng na a pahniehpa ta moleina a heihsa tlai he thlal hna a ch . Awnanopa cha Khazohpa ku thatl pa ta hr biehpa ch  pita, awnanopa liata ku tha a tl  viapazy chhao chiehlei viapazy thlapal h awpa a ch  hra. R h rietheina liata hnabeidypazy he hnabeiseihna pahm sa awpa he thlapal hna kao miakha a ch  hra. A ch  liata thlapal hna chhaichhi zydua cha Zisu Krista liata eima hm . Chav ta Zisu Krista tlai he eima thlal hna k pipa ch  ta, ano tawhta yp nazy, hrobiehnazy, ngiathainazy nata hnabeiseihnazy he eima awnanopa chh h liata vaw laiseih mawh zy!

Atakô AEC Liata Pahno Tlâhpazy:

Assembly 2022 cha Ma-u local church liata a pahawhpa châ taraw ta râh buana nata potlana vâta tao theipa a châ khao leipa vâta Lialaipei Vaihpi liata AEC ta taopa a châ. Cha liata AEC a kiah theipa zydua mo 84 pha ei ta, agenda pachiapa mia 224 a châ. Ryureina chhao patlâ ngâsâpa ta taopa châ, ryureina tho ta zawpi a pakhynazy, mydi thlachhanazy, zawpi Khazohpa bie achu ta chareipakhynazy, Moderator nata Dy. Moderator atlyna, pastor ordained pienazy, Pastor pathlienazy hneipa a châ. Ahmâ chhôhta Lialaipei Vaihpi local KTP hlapy (Junior nata Senior) zy, Lialaipei A local KTP hlapy zy, Lialaipei Vaihpi local KPP hlapy zy, Pastor Lapinôzy Hlapy nata Lialaipei Vaihpi local KHP zy ta reithaina hlapy ta zy, Acting song ta zy, nata hla solo tazy ta reithaina ama hnei lymâ. Khichhai maluh he mo 100 rachhôn châ eita, zawpi châta Evan Vabiekho nata Evan Niechha zy Khazohpa bie chakao awpa ta hruapa ama châ hra. Lialaipei Vaihpi awnanopa nata KTP sahlaozy ta ngiaryh chhieh kawpa nata athlâzi kawpa ta chakaona maniah hneipa eita, nohchhôn thopi pahâh kawpa nata zâla zawpi nie pahmaohna (Dinner) pahâh kawpa patopatia tyhpa a châ. Chavâta Lialaipei Vaihpi awnanopa nata KTP sahlao chô liata tha ta a ly pita, ama chakaonazy a mopâtlâh a châzi eima palaikhei hmeiseih. AEC liata pahno byuhpa thokhazy:

1. Calvary Clinic he July, 2021 liata padua hawpa châta AEC ta a py hawpa a châ.
2. Atakô he Partners zy tawhta eima râh rietheina baona châta 135841589 MMK a châ.
3. Maraland Morning Moon School he 2022-23 achuna kô liata pahy awpa ta thlachha haipa a châ. Middle nata High school liata achupazy châta pahy awpa a châpa vâta achu khohpazy cha Principal nata azaona hnei awpa a châ aw.
4. Lorrain Theological College chhao 2022-23 achuna kô liata pahy bâ awpa a châ. Chavâta Biehraie achu khohpa zydua LTC Principal azaona hnei awpa a châ aw.
5. MEC treasurer Mch. Zasaw cha MEC Treasurer 2022-2024 châta pazaosa heihpa a châ.
6. Pupa Tobi he MEC-SDD ry liata LDC staff ta a pypa a châ.
7. Pastor maniah a pahasaipazy Mo 2
8. Machâ maniah a pahasaipa zydua Mo 16
9. Pastor Pension piepa Mo 2

10. Pastor Ordination piepazy	Mo 5
11. Machâ pension piepa zydua	Mo 14
12. Machâ chahnao thiehpa zydua	Mo 17
13. MEC sôh duahmo	
• 2021-22 Sôh thyu theipa zydua	952,751,976 MMK
• 2020-21 Sô Balance hneipa	184,276,404 MMK
• 2021-22 Sôh hneipa zydua	1,137,028,380 MMK
• 2021-22 Sôh hmâpa zydua	758,769,530 MMK
• 2021-22 Sôh balance hneipa	378,258,850 MMK

Moderator nata Deputy Moderator Thiehpazy



MEC dâryhpa hawhta Moderator term 2020-2022 a chhâ hawpa vâta 2022-24 Moderator term châta Election cha March 4, 2022 noh ta Assembly Executive Committee liata hneipa a châ. Cha liata Nomination Committee ta Moderator châta nata Deputy Moderator châta Nominee zy vaw ama vaw tao. Election Presiding Officer tawhta nominee zy cha phuahna a hnei. Moderator châta Rev. C. Sitlô cha Nomination Committee ta a vaw puakheipa a châ. Election Presiding Officer ta AEC memberzy lâta nominee padua awpa ta hrua ta, anodeikua, zawpi tawhta paduapahropa ama y hlei leipa vâta Rev. C. Sitlô cha 2022-2024 term châta Moderator cha uncontested ta patlohpa a châ. Cha hawhta Deputy Moderator châta Rev. Thavaw cha vaw chaluahpa châ ta, zawpi tawhta nominee tao hropa a y hlei leipa vâta uncontested ta Rev. Thavaw cha Dy. Moderator châta patlohpa a châ. Amozy he râh riethei chaina daihti liata Assembly nôpawzy ta a vaw tlohpa châ eita, nama thlachhâna liata kha a vaw thei teh u.

Ordained thiehpá pastorzy




Atakô Assembly Executive Committee paryhsazi hawhta awnanopa liata Khazohpa bie nata sacrament chakao awpa ta Probationary pastorzy mo papâlih chahnao awpa ta khokheipa châta, Pro.p. Ngôbeichhua cha achuna tawhta a vaw tlô tawhta chahnao awpa châ awta, Pro.p Sero, KHP Secretary, Pro.p. San Lwin, KTP Secretary nata Pro.p. Bielehmo, Sapaw Pastor Biatuhpa zy cha Rev. C. Sitlô, Moderator ta March 6, 2022 noh su pipa a pakhyina Lialaipei Vaihpa achhyna o liata chahnaona a hnei. Amozy he Khazohpa ta awnanopa châta sathaw a thupa hawhta Awnanopazy châta byhnâ ama vaw tlôkhei aw tahpa eima ngiapâ.

AEC ta eima pastor khochhihpazy pathliena a hnei.

Rev. Satu Ve u nata Rev. Victor Ve u cha ama sapa kô 65 atloh hawpa vâta service dâh hawhta pension piepa ama châ haw. Chavâta atakô AEC liana heta pathliena eima hneipa a châ. Rev. Satu Ve u cha awnanopa liata chakaona kô zydua 42 a châ. Kô 42 chhôhta Head Clark, Pastor Biatuhpa, Mission Director, ES. Mission, AGS, GS nata Moderator zy a vaw chakao. A motto “Abeipa chakaona hmiapasa awpa (Mt. 6:33)” hawhta sôh nata piah hlâta tlyma,



khihsa tôhtu rypaohna tlyma zy hlâta ABeipa chakaona hmia a pasapa vâta ABeipa chakaona mopa ta nôhrâhpa Mch. Zaion chhao sawhkhâ raihria taih vaw bâh. Ano chhao awnanopa pyhropazy tawhta dollar hluhpi piepa ta Bible College liata principal châ awpazy vaw hrua tyh eita, chahrasala a vaw tlyh hlei vei. Chavâta Khazohpa ta ano he hmiapasa hra ta, sawchanô pano nata sawchapaw pano hnei ta, ama zydua he Khazohpa ta duasu phapa ta byhnâ pie eita, âmo nôvah chhao Lialaipei khih liata ama pahrâ hai.



Rev. Victor Ve u chhaohe awnanopa liata kô 36 chhôn tlai a vaw chakao hra. A chakao chhônhta a biepipa cha, “Chyhsa to eima viasa ama cha” tahpa a châ. A vaw chakao chhôn

zydua liata Pastor Biatuhpa, Pachutuhpa, ES (Education), AGS, GS nata Moderator raizy a vaw chakao. Ano chhao he MEC pastor hry liata byhnâ a vaw to patluapa châ hra ta ama sawnahzy a thai thei kawpa châ eita, atahma nôhrâhpa Pinô Khaitlai nata hawti chapaw pano nata chanô pano chhaota Shillong khihpi India liata ama pahra hai. Amozy châta thlachhana my kha ei su!

Office tawhta Sapaw local vaina a hnei



Khazohpa ta eima thlahchhâna zy mania chyh-ei hmeiseih. Thlah eima chhâkhei lymâ tyhpa Sapaw local cha Dawlei local liata achhaipa ta thlano hlei ama y khai tawhta February 15/ 2022 noh liata ama khih Sapaw local cha a ly kawpa ta ama ngai khai

thei haw. Local to tawhta nama thlahchhâ kheina nata nama hmosaiepa baona zydua chhao a ly kawpa ta hlâ khai hawpa a châ. MEC Assembly vyuhpa ta Rev. C. Sitlo (Moderator), Rev. Pahmo, Rev. Serô nata Lialaipei (A) KHP sahlao zy chhao February 19 - 20/ 2022 noh ta vaina hneipa a châ.

KNP Section

Pihnô Hriekhai (Paupau nô), Lialaipei Vaihpi eima chhai.

Pinô cha 21. 2. 2022 (Monday) noh ta taotuhpa Khazohpa hnohta maniah a pahâhsai haw. Ano he Local KNP Lialaipei Vaihpi liata nata MEC râh KNP chakaona liata phahnai ngia ngaita kawpa ta avaw chakaopa a châ. Ano Khazohpa lâta maniah a vaw siesai hawpa he KNP zydua ta eima taokhei hmeiseih. Hro chhoh ta KNP liata chakaonazy-

- 2016- 2022 KNP Secretary
- 2016- 2018 KNP CC EC member
- 2018- 2022 KHD Board Member

MEC KNP Leadership Training Hneina su nata Daihti Raopa

Synod	Tiôhpaki noh	Training noh	Pai noh	Asu
Synod I	April 1(Fri)	2-3 (Sat- Sun)	4 (Mon)	Peite
Synod IV	April 22(Fri)	23-24 (Sat- Sun)	25 (Mon)	Dawlei
Synod III	May 6 (Fri)	7-8 (Sat- Sun)	9 (Mon)	Chakhai N
Synod IV	May 27(Fri)	28-29 (Sat- Sun)	30 (Mon)	Lialaita
Synod V	Oct. 7 (Fri)	8- 9 (Sat- Sun)	10 (Mon)	Lelai
Synod VI	Oct. 28 (Fri)	29- 30 (Sat- Sun)	31(Mon)	Matupi

Bietlâh: Chhituhphapa pachhuahpanohna

1. Chhituhphapa pachhuahpanohna liata nôzy taovyuh (Mch. Zai O, President, M. Ch. P)
2. Chhituhphapa pachhuahpanohna liata KNPzy taovyuh (Pro. P. Vupar, KNP Secretary)
3. Chhituhphapa pachhuahpanohna liata phupy zydua taovyuh (Rev. Maiki, TSD. Director)

Local KNP sakha tawhta mo 3 sai tlôhpa a châ aw. Program hlaotlôh theina awpa, thlachha chy su vy.

KHP Department

1. February 19/ 2022 (Sat) noh liata Lialaipei bia local sâ thôh liata KHP luhpazy KHP Secretary yna office liata Leadership Training hnei theipa a châ. Sahlaoy chhithana dâh, pachuna dâh nata patohpatiana dâh zy pachupa a châ. Tha ta eima thôhkhei hmeiseih. Local to liata KHP luhpazy chhao sahlao chhithana nata pachuna dâh hpz achuna hnei lymâ awpa peimawh kaw.
2. 2022 kô KHP Summer Training program hnei thei awpa ta pachhuahpanoh haipa a châ. Hla nata bie achuna dei châ leipa ta arâpasuana; Hla solo, Bie vaopa reina, Acting Song nata Bible Knowledge azaonazy hnei awpa a châ. Sahlaoy hluhpi tlô abyuh leipa ta he arâpasua awpazy dei tlô awpa nata luhpazy chhao Hla nata bie taona dâh, pachuna dâh nata Homiletics hpz. achuna hnei awpa a châ.

Kô 104 na Birthday alyna kyhchhi rônahpa

Keimo Rari Local liata kô uthei chaipa eima meipaw Hriamâ meipaw Pu Lito (khithie) châ Date, 1,3.1918 (Amyotha hmâpotin) hawhta nata pita Date 1/3/2022 nota kô 104 a tloh haw. He noh tlaita ABeipa lâta alyna biereina kyhchhi taopa a châ. Australian liata a ypa a samô Pu. C. Vabeihlo nata chhôhkha ta kyhchhina ama vaw taopa a châ. Viachao tôhpa kô 4 pa poh (1), vao so 6 pa poh (2) , Thopi pahâh kawpa nata a byuh hropa zydua amô meipaw palyupalihna châta ama vaw tao. He hawhta meipawzy Palyupalihntuhpa chhôhkha hnohta ABeipa ta byhnâ hluhpi vaw pie via mawh se tahpa he Awnanopazy eima thlachha chaina a châ. Biepipa **Na byhnâ châ ma y** (Bichhotu 11:1) hmâpa ta ahmâpa chata awnanopazy eima thokhei hmeiseih. He hawhta eima Local liata byhnâ ei hrâhpa miah apatosatuhpa eima Khazohpa moh he chhazaw ta reithaipa ta y mawh sy!. Mara saw zydua hnohta nôpaw palyupalihna thaina nata hropasina byhnâ zy vaw tlô via lymâ mawh sy! Amen

Mch. Beima, Rari Local Assistant Secretary